

古詩源卷七

長洲沈德潛確士選

晉詩

司馬懿

讌飲詩

晉書高祖伐公孫淵過溫見父老故舊讌飲累日作歌

天地開闢日月重光。遭逢際會。奉辭遐方。將埽逋穢。還過故鄉。肅清萬里。總齊八荒。告成歸老。待罪武陽。

張華

茂先詩詩品謂其兒女情多風雲氣少此亦不盡然總之筆力不高少凌空矯捷之

致

勵志詩

太儀幹運天迴地游。四氣鱗次寒暑環周。星火既夕。忽焉素秋。涼風振落。熠燿宵流。

吉士思秋。實感物化。日與月與。荏苒代謝。逝者如斯。曾無日夜。嗟爾庶士。胡寧自舍。

仁道不遐。德輶如羽。求焉斯至。眾鮮克舉。大猷玄漠。將抽厥緒。先民有作。遺我高矩。

雖有淑姿。放心縱逸。田般於遊。居多暇日。如彼梓材。弗勤丹漆。雖勞朴斲。終負素質。

養由矯矢獸號於林。捕廬縈繳神感飛禽。末技之妙。動物應心。研精耽道。安有幽深。

安心恬蕩。棲志浮雲。體之以質。彪之以文。如彼南畝。力耒既勤。蔗蓰致功。必有豐殷。

水積成淵。載瀾載清。土積成山。歆蒸鬱冥。山不讓塵。川不辭盈。勉致含弘。以隆德聲。

高以下基。洪由纖起。川廣自源。成人在始。累微以著。乃物之理。纏牽之長。實累千里。

復禮終朝。天下歸仁。若金受礪。若泥在鈞。進德修業。輝

光日新。隲朋仰慕予亦何人。

養由基撫弓而盼援乃抱木而號何者誠在於心而

精通於物見淮南子○蒲盧卽蒲且也蒲且子見雙鳥過之其不被弋者亦下見汲冢書○經牽索也千里之馬繫以長索則爲累矣見國策

答何劭

吏道何其迫。窘然坐自拘。纓綈爲徽纆。文憲焉可踰。恬曠苦不足。煩促每有餘。良朋貽新詩。示我以遊娛。穆如灑清風。奐若春華敷。自昔同寮案。於今比園廬。衰夕近尋始。庶幾並懸輿。散髮重陰下。抱杖臨清渠。屬耳聽鶯鳴。流目玩儵魚。從容養餘日。取樂於桑榆。

情詩

清風動帷簾。晨月照幽房。佳人處遐遠。蘭室無容光。襟懷擁虛景。輕衾覆空牀。居歡惜夜促。在戚怨宵長。拊枕獨嘯歎。感慨心內傷。

游目四野外。逍遙獨延佇。蘭蕙緣清渠。緜華蔭綠渚。佳人不在茲。取此欲誰與。巢居知風寒。穴處識陰雨。不會遠別離。安知慕儔侶。穠麗之作。油然入人。茂先詩之上者。與葛生蒙楚詩同意。

雜詩

暑度隨天運。四時互相承。東壁正昏中。涸陰寒節升。繁

霜降當夕。悲風中夜興。朱火青無光。蘭膏坐自凝。重衾
無暖氣。挾纒如懷冰。伏枕終遙夕。寤言莫予應。永思慮
崇替。慨然獨拊膺。

傅

玄

休奕詩聰穎處時帶累句大
約長于樂府而短于古詩

短歌行

長安高城層樓亭亭。干雲四起。上貫天庭。蜉蝣何整行。
如軍征。蟋蟀何感。中夜哀鳴。蚍蜉愉樂。粲粲其榮。寤寐
念之。誰知我情。昔君視我。如掌中珠。何意一朝。棄我溝
渠。昔君與我。如影如形。何意一去。心如流星。昔君與我。

兩心相結何意今日忽然兩絕。

後三股筆力甚橫

明月篇

皎皎明月光灼灼朝日暉。昔爲春蠶絲。今爲秋女衣。丹
唇列素齒。翠彩發蛾眉。嬌子多好言。歡合易爲姿。玉顏
盛有時。秀色隨年衰。常恐新間舊。變故興細微。浮萍本
無根。非水將何依。憂喜更相接。樂極還自悲。

雜詩

志士惜日短。愁人知夜長。攝衣步前庭。仰觀南鴈翔。玄
景隨形運。流響歸空房。清風何飄颻。微月出西方。繁星

依青天。列宿自成行。蟬鳴高樹間。野鳥號東廂。纖雲時
髮髯。渥露沾我裳。良時無停影。北斗忽低昂。常恐寒節
至。凝氣結爲霜。落葉隨風摧。一絕如流光。

清俊是選體
故昭明獨收

此篇

雜言

雷隱隱感妾心。傾耳清聽非車音。

點化長門賦中
語更覺敏妙

吳楚歌

燕人美兮趙女佳。其室則邇兮限層崖。雲爲車兮風爲
馬。玉在山兮蘭在野。雲無期兮風有止。思多端兮誰能

理。

車遙遙篇

車遙遙兮馬洋洋。追思君兮不可忘。君安遊兮西入秦。
願爲影兮隨君身。君在陰兮影不見。君依光兮妾所願。

樂府中極聰明語。開張王一派。然出張王手語極極恬熟。

束皙

補亡詩六章

序曰：皙與同業疇人肆修鄉飲之禮。然所詠之詩或有義無詞。音樂取節闕而不備。於是遙想

既往存思在昔補著其文以綴舊制

南陔

南陔孝子相戒以養也

循彼南陔言采其蘭眷戀庭闈心不遑安彼居之子罔
或游盤馨爾夕膳潔爾晨餐循彼南陔厥草油油彼居
之子色思其柔眷戀庭闈心不遑畱馨爾夕膳潔爾晨
羞有獺有獺在河之涘凌波赴汨噬魴捕鯉噉噉林烏
受哺于子養隆敬薄惟禽之似勗增爾虔以介丕祉

之子居謂未仕者。色思其柔卽色難註。屬養隆敬薄卽不敬何以別註脚。首言養次言色末言敬

白華

白華孝子之潔白也

白華朱萼。被於幽薄。粲粲門子。如磨如錯。終晨三省。匪
惰其恪。白華絳趺。在陵之隰。蒨蒨士子。涅而不渝。竭誠
盡敬。亶亶忘劬。白華玄足。在丘之曲。堂堂處子。無營無
欲。鮮侔晨葩。莫之點辱。

卽處士也

周禮曰正望謂之門子鄭玄曰正室適子將代父當門者處子

華黍

華黍時和歲豐宜黍稷也

黯黯重雲。輯輯和風。黍華陵巔。麥秀丘中。靡田不播。九
穀斯豐。奕奕玄霄。濛濛甘霤。黍發稠華。亦挺其秀。靡田
不殖。九穀斯茂。無高不播。無下不殖。芒芒其稼。參參其

稷。穡。我。王。委。充。我。民。食。玉。燭。陽。明。顯。猷。翼。翼。左。霄。左。雲。也。穡。畜。

同。蔡。澤。傳。力。田。穡。積。爾。雅。曰。四。氣。和。謂。之。玉。燭。

由庚。由。庚。萬。物。得。由。其。道。也。

蕩蕩夷庚。物則由之。蠢蠢庶類。王亦柔之。道之既由。化之既柔。木以秋零。草以春抽。獸在於草。魚躍順流。四時遞謝。八風代扇。織阿按晷。星變其纏。五緯不愆。六氣無易。愔愔我王。紹文之跡。庚。訓。道。也。夷。庚。即。王。道。蕩。蕩。意。

崇丘。崇。丘。萬。物。得。極。其。高。大。也。

瞻彼崇丘。其林藹藹。植物斯高。動物斯大。周風既洽。王

猷允泰漫漫方輿回回洪覆去聲何類不繁何生不茂物

極其性人永其壽恢恢大園茫茫九壤資生仰化於何

不養人無道天物極則長莊子曰終天年而不中道天者是智之盛也

由儀由儀萬物之性各得其儀也

肅肅君子由儀率性明明后辟仁以爲政魚遊清沼鳥

萃平林濯鱗鼓翼振振其音賓寫爾誠主竭其心時之

和矣何思何修文化內輯武功外悠時既和矣何所思慮何所修治惟以

文化輯和於內武功加於外遠也寫白儀意極正大○六章不類周雅然清和潤澤自是有德之言

司馬彪

雜詩

百草應節生。含氣有深淺。秋蓬獨何辜。飄飄隨風轉。長
飈一飛薄。吹我之四遠。搔首望故株。邈然無由返。

陸機

士衡詩亦推大家然意欲逞博而胸少慧珠筆又不足以舉之遂開出排偶一家西

京以來空靈矯健之氣不復存矣降自梁陳專工隊仗邊幅復狹令閱者白日欲臥未必非士衡爲之濫觴也茲特取能運動者十二章見士衡詩中亦有不專堆垛者○謝康樂詩亦多用排然能造意便與潘陸輩迥別○士衡以名將之後破國亡家稱情而言必多哀怨乃詞旨敷淺但工塗澤復何貴乎○蘇李十九首每近於風士衡輩以作賦之體行之所以未能感人○文賦云詩緣情而綺靡殊非詩人之旨

短歌行

置酒高堂悲歌臨觴。人壽幾何。逝如朝霜。時無重至。華
不再。揚藿以春暉。蘭以秋芳。來日苦短。去日苦長。今我
不樂。蟋蟀在房。樂以會興。悲以別章。豈曰無感。憂爲子
忘。我酒旣旨。我肴旣臧。短歌有詠。長夜無荒。詞亦清和而雄氣逸
響杳不可尋

隴西行

我靜如鏡。民動如煙。事以形兆。應以象懸。豈曰無才。世
鮮興賢。

猛虎行

渴不飲盜泉水。熱不息惡木陰。惡木豈無枝。志士多苦心。整駕肅時命。杖策將遠尋。飢食猛虎窟。寒棲野雀林。日歸功未建。時往歲載陰。崇雲臨岸駛。鳴條隨風吟。靜言幽谷底。長嘯高山岑。急弦無懦響。亮節難爲音。人生誠未易。曷云開此衿。眷我耿介懷。俯仰愧古今。尸子曰孔子至於勝母莫矣而不宿過於盜泉渴矣而不飲惡其名也

○江邃文釋引管子曰士懷耿介之心不蔭惡木之枝

○起用六字句最見奇峭此士衡變體

塘上行

江籬生幽渚。微芳不足宣。被蒙風雲會。移居華池邊。發
藻玉臺下。垂影滄浪泉。露潤旣已渥。結根奧且堅。四節
逝不處。繁華難久鮮。淑氣與時殞。餘芳隨風捐。天道有
遷易。人理無常全。男權智傾愚。女愛衰避妍。不惜微軀
退。但懼蒼蠅前。願君廣末光照。妾薄暮年。亦是平韻而
意旨自婉

擬明月何皎皎

安寢北堂上。明月入我牖。照之有餘輝。攬之不盈手。涼
風繞曲房。寒蟬鳴高柳。踟躕感物節。我行永已久。游宦
會無成。離思難常守。

擬明月皎夜光

歲暮涼風發。昊天肅明明。招搖西北指。天漢東南傾。朗
月照閒房。蟋蟀吟戶庭。翻翻歸鴈集。嘒嘒寒蟬鳴。疇昔
同宴友。翰飛戾高冥。服美改聲聽。居愉遺舊情。織女無
機杼。大梁不架楹。爾雅曰大梁昴星也。末二句總
言有名無實與漢人原詞意同。

招隱詩

明發心不夷。振衣聊躑躅。躑躅欲安之。幽人在浚谷。朝
采南澗藻。夕息西山足。輕條象雲構。密葉承翠幄。激楚
佇蘭林。回芳薄秀木。山澗何泠泠。飛泉漱鳴玉。哀音附

靈波頽響赴曾曲。至樂非有假安事。澆淳樸富貴苟難
圖。稅駕從所欲。必富貴難圖而始稅駕見已晚矣。士衡進退所以不無可議。

贈馮文罷

昔與二三子。游息承華南。拊翼同枝條。翻飛各異尋。苟
無凌風翮。徘徊守故林。慷慨誰爲感。願言懷所欽。發軔
清洛汭。驅馬大河陰。佇立望朔塗。悠悠迴且深。分素古
所悲。志士多苦心。悲情臨川結。苦言隨風吟。愧無雜佩
贈。良訊代兼金。夫子茂遠猷。款誠寄惠音。

爲顧彥先贈婦

辭家遠行邁悠悠三千里。京洛多風塵。素衣化爲緇。修身悼憂苦。感念同懷子。隆思亂心曲。沈歡滯不起。歡沉難剋興。心亂誰爲理。願假歸鴻翼。翻飛浙江汜。

東南有思婦。長歎充幽閨。借問歎何爲。佳人眇天末。游宦久不歸。山川修且闊。形影參商乖。音息曠不達。離合非有常。譬彼絃與箏。願保金石軀。慰妾長饑渴。

上章贈婦下章

婦答古有此體

赴洛道中作

總轡登長路。嗚咽辭密親。借問子何之。世網嬰我身。永

歎遵北渚遺思結南津。行行遂已遠。野途曠無人。山澤
紛紜餘林薄。杳阡眠虎嘯。深谷底雞鳴。高樹巔哀風中。
夜流孤獸更我前。悲情觸物感沉思。鬱纏綿佇立望故
鄉。顧影悽自憐。

遠遊越山川。山川修且廣。振策陟崇丘。安轡遵平莽。夕
息抱影寐。朝徂銜思往。頓轡倚高巖。側聽悲風響。清露
墜素輝。明月一何朗。撫枕不能寐。振衣獨長想。二章稍見淒切

陸

雲

詩與士衡亦復伯仲

谷風

閒居外物靜言樂幽繩樞增結甕牖綢繆和神當春清
節爲秋天地則爾戶庭已悠和神二語卽莊子煖然似春淒然似秋意

爲顧彥先贈婦

我在三川陽子居五湖陰山海一何曠譬彼飛與沉目
想清慧姿耳存淑媚音獨寐多遠念寤言撫空衿彼美
同懷子非爾誰爲心

悠悠君行邁。執執妾獨止。山河安可踰。永路隔萬里。京
室多妖冶。粲粲都人子。雅步擢纖腰。巧言發皓齒。佳麗
良可美。衰賤焉足紀。遠蒙眷顧言。銜恩非望始。亦上章贈婦下

章婦
答

潘岳

安仁詩品又在士衡之下茲特取悼亡二詩格雖不高其情自深也○安仁黨於賈

后謀殺太子適與有力焉人品如此詩安得佳

潘陸詩如翦綵爲花絕少生韻故所收從略

悼亡詩

往苒冬春謝寒暑忽流易之子歸窮泉重壤永幽隔私
懷誰克從淹留亦何益僂俛恭朝命迴心反初役望廬
思其人入室想所歷幃屏無髣髴翰墨有餘跡流芳未
及歇遺挂猶在壁悵恍如或存周遑忡驚惕如彼翰林
鳥雙棲一朝隻如彼游川魚比目中路析春風緣隙來

晨。溜。承。簷。滴。寢。息。何。時。忘。沈。憂。日。盈。積。庶。幾。有。時。衰。莊

缶。猶。可。擊。

周。遑。冲。驚。惕。五。字。頗。不。成。句。法。如。彼。翰。林。鳥。四。語。反。淺。

皎。皎。窗。中。月。照。我。室。南。端。清。商。應。秋。至。溽。暑。隨。節。闌。凜
凜。涼。風。升。始。覺。夏。衾。單。豈。曰。無。重。纊。誰。與。同。歲。寒。歲。寒
無。與。同。明。月。何。朧。朧。展。轉。眄。枕。席。長。簟。竟。牀。空。牀。空。委
清。塵。室。虛。來。悲。風。獨。無。李。氏。靈。髮。髯。覩。爾。容。撫。衿。長。歎
息。不。覺。淚。霑。胸。霑。胸。安。能。已。悲。懷。從。中。起。寢。興。目。存。形
遺。音。猶。在。耳。上。慙。東。門。吳。下。愧。蒙。莊。子。賦。詩。欲。言。志。此
志。難。具。紀。命。也。可。奈。何。長。戚。自。令。鄙。

列。子。曰。魏。有。東。門。吳。者。子。死。而。不。憂。

張翰

雜詩

暮春和氣應。白日照園林。青條若總翠。黃花如散金。嘉
卉亮有觀。顧此難久耽。延頸無良塗。頓足託幽深。榮與
壯俱去。賤與老相尋。歡樂不照顏。慘愴發謳吟。謳吟何
嗟及。古人可慰心。

唐人以黃花如散金命題。試士士多以黃花爲菊合式者不滿其數。

左思

鍾嶸評左詩謂野於陸機而深於潘岳。此不知太冲者也。太冲胸次高曠而筆力又

復雄邁。陶冶漢魏自製偉詞。故是一代作手。豈潘陸輩所能比埒。

雜詩

秋風何冽冽。白露爲朝霜。柔條旦夕勁。綠葉日夜黃。明月出雲崖。皦皦流素光。披軒臨前庭。嗷嗷晨鴈翔。高志局四海。塊然守空堂。壯齒不恆居。歲暮常慨慷。

咏史八首

弱冠弄柔翰。卓犖觀羣書。著論准過秦。作賦擬子虛。邊城苦鳴鏑。羽檄飛京都。雖非甲冑士。疇昔覽穰苴。長嘯激清風。志若無東吳。鉛刀貴一割。夢想騁良圖。左盼澄江湘。右盼定羌胡。功成不受爵。長揖歸田廬。

東吳孫吳也。此章自言

言

鬱鬱澗底松。離山上苗。以彼徑寸莖。蔭此百尺條。世
胄躡高位。英俊沈下僚。地勢使之然。由來非一朝。金張
藉舊業。七葉珥漢貂。馮公豈不偉。白首不見招。

苟悅漢紀曰馮

唐白首屈於郎署

吾希段干木。偃息藩魏君。吾慕魯仲連。談笑卻秦軍。當
世貴不羈。遭難能解紛。功成恥受賞。高節卓不羣。臨組

不肯緤。對珪甯肯分。連璽曜前庭。比之猶浮雲。

秦欲攻魏司馬

康諫曰段干木賢者而魏禮之毋乃不可乎秦君以爲然乃止見石氏春秋。幽通賦曰干木偃息以藩魏

濟濟京城內。赫赫王侯居。冠蓋蔭四術。朱輪竟長衢。朝

集金張館暮宿許史廬南鄰擊鍾磬北里吹笙竽寂寂
揚子宅門無卿相興寥寥空宇中所講在玄虛言論準
宣尼辭賦擬相如悠悠百世後英名擅八區

皓天舒白日靈景耀神州列宅紫宮裏飛宇若雲浮
峩峩高門內藹藹皆王侯自非攀龍客何爲歛來游被褐

出閭闔高步追許由振衣千仞岡濯足萬里流

俯視千古

荆軻飲燕市酒酣氣益震

平聲

哀歌和漸離謂若傍無人

雖無壯士節與世亦殊倫高盼邈四海豪右何足陳
貴者雖自貴視之若埃塵賤者雖自賤重之若千鈞

主父宦不達。骨肉還相薄。買臣困樵採。伉儷不安宅。陳
平無產業。歸來翳負郭。長卿還成都。壁立何寥廓。四賢
豈不偉。遺烈光篇籍。當其未遇時。憂在填溝壑。英雄有
述。適由來。自古昔。何世無奇才。遺之在草澤。

習習籠中鳥。舉翮觸四隅。落落窮巷士。抱影守空廬。出
門無通路。枳棘塞中塗。計策弃不收。塊若枯池魚。外望
無寸祿。內顧無斗儲。親戚還相蔑。朋友日夜疎。蘇秦北
游說。李斯西上書。俛仰生榮華。咄嗟復彫枯。飲河期滿
腹。貴足不願餘。巢林棲一枝。可爲達士模。

言蘇秦李斯始不遇而繼

遇終不得死所也。故有俯仰咄嗟之歎云。太冲詠史不必專咏一人專咏一事咏古人而已之性情俱見此千秋絕唱也。後惟明遠太白能之。

招隱二首

杖策招隱士。荒塗橫古今。巖穴無結構。丘中有鳴琴。白雲停陰岡。丹葩曜陽林。石泉漱瓊瑤。纖鱗或浮沉。非必絲與竹。山水有清音。何事待嘯歌。灌木自悲吟。秋菊兼餽糧。幽蘭間重襟。躑躅足力煩。聊欲投吾簪。

經始東山廬。果下自成榛。前有寒泉井。聊可瑩心神。峭蒨青蔥間。竹柏得其真。弱葉棲霜雪。飛榮流餘津。爵服

無常玩好惡有屈伸。結綬生纏牽彈冠去埃塵。惠連非
吾屈首陽非吾仁。相與觀所向逍遙。揆良辰。惠連柳下
惠少連也

左貴嬪

啄木詩

南山有鳥自名啄木。飢則啄樹暮則巢宿。無干於人惟
志所欲性清者榮性濁者辱。學問語無
蒙腐氣

張載

七哀詩

北芒何纍纍高陵有四五。借問誰家墳皆云漢世主。恭

文遙相望。原陵鬱膻膻。季世喪亂起。賊盜如豺虎。毀壤
過一坏。便房啟幽戶。珠柙離玉體。珍寶見剽虜。園寢化
爲墟。周墉無遺堵。蒙龍荆棘生。蹊逕登童豎。狐兔窟其
中。蕪穢不復埽。叶頽隴並墾發。明穎營農圃。昔爲萬乘
君。今爲丘中土。感彼雍門言。悽愴哀今古。後漢書曰。葬
恭陵。葬文帝於文陵。葬光武皇帝於原陵。董卓
傳使呂布發諸帝陵及公卿以下冢墓。收其寶玉。

張協

雜詩

秋夜涼風起。清氣蕩暄濁。蜻蛚吟階下。飛蛾拂明燭。君

子從遠役。佳人守犂。獨離居幾何時。鑽燧忽改木房櫳。
無行跡。庭草萋以綠。青苔依空墻。蜘蛛網四屋。感物多
所懷。沈憂結心曲。

朝霞迎白日。丹氣臨暘谷。翳翳結繁雲。森森散雨足。輕
風摧勁艸。凝霜竦高木。密葉日夜疎。叢林森如束。疇昔
歎時遲。晚節悲年促。歲莫懷百憂。將從季主卜。

昔我資章甫。聊以適諸越。行行入幽荒。甌駱從祝髮。窮
年非所用。此貨將安設。瓠瓠夸璵璠。魚目笑明月。不見
郢中歌。能否居然別。陽春無和者。巴人皆下節。流俗多

昏迷此理誰能察。

莊子曰楚人資章甫而適諸越越人敦髮文身無所用之註云敦斷也。

漢立騶搖爲東海王都東風騶一作駱祝髮祝亦斷也。

大火流坤維。白日馳西陸。浮陽映翠林。迴颺扇綠竹。飛雨灑朝蘭。輕露棲叢菊。龍蟄暄氣凝。天高萬物肅。弱條不重結。芳蕤豈再馥。人生瀛海內。忽如鳥過目。川上之歎逝。前修以自勗。

述職投邊城。羈束戎旅間。下車如昨日。望舒四五圓。借問此何時。胡蝶飛南園。流波戀舊浦。行雲思故山。閩越衣文蛇。胡馬願度燕。風土安所習。由來有固然。

結宇窮岡曲。耦耕幽藪陰。荒庭寂以閒。幽岫峭且深。淒
風起東谷。有滄興南岑。雖無箕畢期。膚寸自成霖。澤雉
登壟雊。寒猿擁條吟。溪壑無人跡。荒楚鬱蕭森。投耒循
岸垂。時聞樵採音。重基可擬志。迴淵可比心。養真尙無
爲。道勝貴陸沈。游思竹素園。寄辭翰墨林。陸沈譬如無
水而沈也。見

莊子。東觀
書見竹素

孫 楚

征西官屬送於陟陽候作詩

征西扶
風王駿

晨風飄歧路。零雨被秋草。傾城遠追送。餞我千里道。三

命皆有極。咄嗟安可保。莫大於殤子。彭聃猶爲夭。吉凶如糾纏。憂喜相紛繞。天地爲我壚。萬物一何小。達人垂大觀。誠此苦不早。乖離卽長衢。惆悵盈懷抱。孰能察其心。鑒之以蒼昊。齊契在今朝。守之與偕老。黃帝日上壽百二十中壽百年下壽八十是謂三命。隱侯謂子荆零雨之章指此。送別詩以齊物作主。古人用意不專粘著此亦一體。

曹攄

感舊詩

富貴他人合。貧賤親戚離。廉藺門易軌。田竇相奪移。晨

風集茂林。棲鳥去枯枝。今我唯困蒙。羣士所背馳。鄉人
敦懿義。濟濟蔭光儀。對賓頌有客。舉觴咏露斯。臨樂何
所歎。素絲與路歧。殷浩坐廢韓康伯詠
首二句因而泣下

王讚

雜詩

朔風動秋草。邊馬有歸心。胡靈久分析。靡靡忽至今。王
事離我志。殊隔過商參。昔往鶻鷓鳴。今來蟋蟀吟。人情
還舊鄉。客鳥思故林。師涓久不奏。誰能宣我心。起得雄
傑隱侯

謂正長朔風

之句指此

郭泰機

答傅咸

皦皦白素絲。織爲寒女衣。寒女雖妙巧。不得秉杼機。天
寒知運速。况復鴈南飛。衣工秉刀尺。棄我忽若遺。人不
取。諸身世事焉。所希况復已。朝餐曷由知。我饑通體喻
言諷傳

之不能薦已也。
老杜白絲行本此。

古詩源卷七終